


土岐文庫
文庫17
W110
8



文章 17
W110
8

集千家註杜工部詩集卷之十五

壯遊

大曆元年秋夔州作夢弼曰此
篇叙壯年經遊之迹按唐書公
少貧不自振客遊吳越還以進士舉
不中第遂遊齊趙間凡八九年復歸

京師

往者十四五出遊翰墨場斯文崔魏徒公自注崔

鄭州尚魏以我似班揚七齡思卽壯開口詠

鳳凰九齡書大字有作成一囊性豪業嗜酒

嫉惡懷剛腸脫略小時輩結交皆老蒼飲酣



王云豪湯
奇偉無一
字一句不穩
貼此等詩乃
可以觀杜公
之神力欲學
者宜於此矣
究耳

昭和六年二月一日
土岐善吉氏
寄贈

010185142399

視八極俗物都茫茫東下姑蘇臺已具浮海
航到今有遺恨不得窮扶桑王謝風流遠闔
廬丘墓荒劍池石壁仄長洲芟荷香嗟峨閭
門北清廟映迴塘每趨吳秦伯撫事淚浪浪
枕戈憶勾踐渡浙想秦皇蒸魚聞七首除道
哂要章越女天下白鑑湖五月涼剡溪蘊秀
異欲罷不能忘歸帆拂天姥中歲貢舊鄉氣
廟屈賈壘日短曹劉牆忤下考功策獨辭京

尹堂放蕩齊趙間裘馬頗清狂春歌叢臺上
冬獵青丘旁嘑鷹卓櫪林逐獸雲雪岡射飛
曾縱鞚引臂落鴉鷁蘇侯據鞍喜公自注監
門曹曹蘇
預忽如攜葛疆快意八九年西歸到咸陽許
與必詞伯賞遊實賢王曳裾置醴地奏賦入
明光天子廢食召羣公會軒裳脫身無所愛
痛飲信行藏黑貂寧免弊斑鬢兀稱觴杜曲
晚者舊四郊多白楊坐深鄉黨敬日覺死生

忙四句甚悲朱門任傾奪赤族迭罹殃國馬竭粟

豆官雞輸稻梁舉隅見煩費引古惜興亡河

朔風塵起岷山行幸長兩宮各警蹕萬里遙

相望崆峒殺氣黑少海旌旗黃禹功亦命子

逐鹿親戎行翠華擁吳嶽螭虎噉豺狼爪牙

一不中胡兵更陸梁大軍載草草凋瘵滿膏

肓備員竊補衮憂憤心飛揚上感九廟焚下

憫萬民瘡斯時伏青蒲廷諍守御牀君辱敢

愛死赫怒幸無傷聖哲體仁恕禹縣復小康

哭廟灰燼中鼻酸朝未火小臣議論絕老病

客殊方鬱鬱苦不展羽翮困低昂秋風動哀

壑碧蕙捐微芳之推避賞從漁父濯滄浪榮

華敵勲業歲暮有嚴霜吾觀鴟夷子才格出

尋常羣兇逆未定側佇英俊翔魏徒以我似

班揚謂當時崔鄭州魏豫州以公之文似班

固揚雄者也姑蘇吳臺名王謝謂晉王導謝

安吳越春秋云吳王闔廬死大治丘塚葬之

三日白虎居其上故號虎丘闔廬嘗鑄劍曰

用兩韻雖長
詩亦有之然
終不可法也
韓文公往
紀

吳鈞故有劔池長洲苑名闔廬所遊獵處也
修可曰闔廬立閭門以象天門清廟又置吳文
帝孫和廟也子皓改葬和號明陵又置吳與
郡太守四時奉祠立寢堂號曰清廟鶴曰蘇
州有吳泰伯廟及勾踐廟洙曰越王勾踐臥
則枕戈思有以報吳秦始皇浮江渡海至錢
塘臨浙江上會稽立石刻紀秦德史刺客傳
吳公子光欲殺吳王僚得專諸善待之於是
具酒請王僚使專諸置匕首於魚炙之腹中
以進而刺王僚僚死光自立為王是為闔廬
朱買臣吳人也拜為會稽太守買臣衣故衣
懷其印綬步歸郡邸直上計守邸者少見其
綬怪之前引其綬視其印會稽太守章也守
邸驚有頃買臣遂乘傳去會稽聞太守且至
發民除道夢弼曰鏡湖刻溪俱在會稽鄭曰
天姥山名在剡縣南洙曰屈賈謂屈原賈誼

也廟字出漢書賈山傳贊賈山自下廟上注
云廟音摩也曹劉謂曹子建劉公幹論
語賜之牆也及肩忤下考功第按唐武德初
以考功郎監試貢舉人貞觀以來以員外郎
專掌貢舉至開元中徙貢舉於禮部叢臺故
趙王臺也青丘齊地名夢弼曰阜棼林雲雪
岡皆齊地洙曰晉山簡鎮襄陽每出遊多之
習氏池輒醉而歸時有童兒歌曰山公出何
徃徃至高陽池時能騎馬削著白接籬舉
鞭問葛疆何如并州兒疆家在并州簡愛將
也時蘇侯與公同儻故公以葛疆為比夢弼
曰賞遊實賢王謂如與汝陽王誰相善也洙
曰楚元王敬禮申公等穆生不嗜酒元王常
為穆生設醴奏賦入明光即玄宗朝蘇季子
宮饗廟及郊公獻大禮三賦帝奇之蘇季子
不用於秦而黑貂之裘弊潘岳秋興賦班鬢

彪以承弁夢弼曰杜曲在長安公之家也
 楊乃墳上之木朱曰楊子解嘲客欲朱丹其
 穀不知一跌赤吾之族夢弼曰國馬竭粟豆
 官雞輸稻梁開元太平日又玄宗侈心自恣
 舞有馬衣文采飼以粟豆又五坊有供奉闕雞
 又有闕雞使百姓輸納稻梁以供養雞也朱
 曰河朔風塵起謂祿山起於河朔岷山行幸
 長謂玄宗幸蜀兩宮各警蹕謂肅宗即位靈
 武修可曰東宮故事天子比大海太子為少
 海夏啓嗣禹位伐有扈之罪黃帝與蚩尤戰
 涿鹿此喻肅宗親征也朱曰翠華天子旌旂
 之飾也夢弼曰正異云吳岳在扶風下卞園
 云在隴州朱曰爪牙一不中謂房瑄敗于陳
 壽斜韓曰大軍載草草辛苦貌夢弼曰前漢
 備員竊補袞公自謂為左拾遺也朱曰前漢
 史丹傳元帝欲易太子朱曰獨寢直入內

伏青蒲上泣諫注云以青規地曰青蒲王
 面折廷諍晉衛瓘欲啓廢太子託醉跪帝膝
 前以手撫牀曰此座不可惜范曄傳主憂臣辱
 主辱臣死檀弓申生不敢愛其死夢弼曰公
 為拾遺嘗上疏言房瑄不宜免相帝怒詔三
 司雜問張鎬救之帝遂解今詩云君辱敢愛
 死赫怒幸無傷謂此朱曰哭廟灰燼中時天
 子收復京師先素服哭廟而後受朝夢弼曰
 之推避賞從詩意謂肅宗中興公嘗扈從還
 京今日客於殊方如晉侯賞從亡者而介之
 推不言祿也滄浪水名在荊州漁父濯滄浪
 公自况也此詩兩押浪字雖同而義則異
 爾洙曰范蠡佐勾踐破吳後乘扁
 舟入海變姓名適齊為鴟夷子

白帝

王云批題

烟是杜少陵得處

白帝城中雲出門，白帝城下雨翻盆。高江急
峽雷霆鬪，古木蒼藤日月昏。戎馬不如歸馬
逸，千家今有百家存。哀哀寡婦誅求盡，慟哭
秋原何處村。
洙曰：古木一作翠木。戎馬一作
去馬。百家一作十家。鶴曰：此詩
當是指崔旰之亂。

雨

萬木雲深隱，連山雨未開。風扉掩不定，水鳥
過仍迴。鮫館如鳴杼，樵舟豈伐枚。清涼破炎

毒，衰意欲登臺。

趙曰：風扉謂舟中之扉也。深
曰：述異記南海中有鮫人室。

水居如魚
不廢機織

雨晴

雨晴山不改，晴罷峽如新。天路休殊俗，秋江
思殺人。有猿揮淚盡，無犬附書頻。故國愁眉
外，長歌欲損神。

垂白

垂白馮唐老，清秋宋玉悲。江喧長少睡，樓迥

獨移時多難身何補無家病不辭甘從千日

醉未許七哀詩宋曰漢馮唐以孝著為郎中署長事文帝文帝帝輦過問唐

曰父老何自為郎趙曰宋玉九辨悲哉秋之為氣也洙曰中山有酒飲者一醉千日曹子

建王仲宣張孟陽皆有七哀詩

洞房

趙曰此詩思長安而懷帝闕也

洞房環珮冷玉殿起秋風秦地應新月龍池

滿舊宮繫舟今夜遠清漏往時同何限萬里

黃山北園陵白露中此語不迫切而意獨至謂悲慨滿目然不低

王云全篇佳甚

黠故自可望○洙曰典慶宮明皇落龍之地

也有龍池在焉趙曰按長安志龍池本平地

垂拱初因雨水流潦成小池至景龍中彌亘

數頃深至數丈常有雲氣或見黃龍按傳云

唐帝微行而至黃山蓋右

宿昔青門裏蓬萊仗數移花驕迎雜樹龍喜

出平池落日留王母微風倚少兒宮中行樂

秘少有外人知猥褻不凡風刺俱有○逸曰

趙曰言雜樹之花則如桃李之屬沈約詩春風搖雜樹洙曰柳芳傳信記云天寶中興慶

王云流麗頗似王子之流

宮小龍常遊於宮垣南溝木
中衛青傳衛媪次女少兒

能畫

能畫毛延壽投壺郭舍人每蒙天一笑復似

物皆春說畫意不俗政化平如木皇恩斷若

神時時角抵戲亦未雜風塵有體有理○殊

陵畫工毛延壽善為人形必得其真郭舍人

善投壺以竹為矢不用棘也能禦矢令還一

修天為之神異傳東王公與玉女投壺投而不

謂角抵之戲也令兩兩相當角力量其技

容齋三筆云杜詩命意用事旨趣深遠若隨

口一讀往往不能解如能畫詩第三聯頗與

前語不相貫穿然按其本謂技藝偶優不

應蒙人主顧明賞接然使化如水恩若神為

治大要既無所損則時

或用此輩亦無害也鬪雞鶴曰明皇好鬪雞又教舞馬四

鬪雞初賜錦舞馬既登牀簾下宮人出樓前

御柳長僊遊終一閱女樂久無香寂寞驪山

亂之象也

老傳云明皇以乙酉生而喜鬪雞北

詩致感傷之意馬鮑曰陳鴻東城父

道清秋草木黃趙曰明皇好鬪雞蒙寵當時為之歌

曰生兒不用識文字鬪雞走馬勝讀書賈家

小兒年十三富貴榮華代不如此則賜錦

可知矣洙曰明皇嘗令教舞馬四百蹄目之

為其家驕其曲謂之傾杯樂奮首鼓尾無不

應節又施三層木林乘馬於上抹轉如飛命

壯士牽馬於榻上安祿山亂馬散落人間田

承嗣得之一日軍中大饗馬聞樂而舞承嗣

以為妖而殺之容齋三筆云先忠宣公在北

方得唐人畫驪山宮殿圖一軸華清宮居山

巔殿外垂簾宮人無數穴簾隙而窺一時伶

官戲劇品類雜沓皆列于下老

杜麟雞一詩真所謂親見之也

歷歷

歷歷開元事分明在眼前無端賊盜起忽已

歲時遷巫峽西江外秦城北斗邊為郎從白

首臥病數秋天趙曰長安城謂之北斗城夢

顏駟問何時為郎向其老也夢

洛陽

洛陽昔陷沒胡馬犯潼關天子初愁思都人

慘別顏清笳去宮闕翠蓋出關山故老仍流

涕龍髯幸再攀趙曰天寶十四載祿山陷東

王云甚佳可
亞於洞房之
篇

翠蓋出關山謂車駕幸蜀也鶴曰龍髯再攀
謂二聖還京時也趙曰黃帝鑄鼎於荆山鼎
既成龍垂胡髯下迎羣臣從上七十餘
人餘小臣不得上乃悉挽龍髯髯拔墮

驪山

驪山絕望幸花萼罷登臨地下無朝燭人間

有賜金使人不忍言好鼎湖龍去遠銀海鴈飛深萬

歲蓬萊日長懸舊羽林又嘗於上都建花萼

相輝樓為諸王宴集之地黃帝鑄鼎荆山下
後世名其處曰鼎湖劉向傳秦始皇葬於驪
山之阿下錮三泉上崇山墳石椁為遊宮人
膏為燈燭水銀為江海黃金為鳧鴈趙曰何

經孫氏陵詩銀海終無浪金鳧會不飛洙
曰蓬萊殿名羽林星名漢有羽林軍趙曰謂
平時蓬萊殿中之日懸於殿間今
則懸在舊羽林中羽林護陵寢者

提封

提封漢天下萬國尚同心借問懸車守何如

儉德臨時徵俊又入莫慮犬羊侵願戒兵猶

火恩加四海深洙曰漢東方朔傳提封頃畝

數也趙曰懸車束馬言至險也詩意謂以險
為守莫若臨之以儉德也易否卦象曰君子
以儉德辟難洙曰莫慮一作草竊左
傳衆仲曰兵猶火也弗戢將自焚

偶題

文章千古事得失寸心知作者皆殊列名聲
 豈浪垂騷人嗟不見漢道盛於斯前輩飛騰
 入餘波綺麗為後賢兼舊例歷代各清規法
 自儒家有心從弱歲疲永懷江左逸多病鄴
 中竒駉驥皆良馬麒麟帶好兒車輪徒已斷
 堂構惜仍虧謾作潛夫論虛傳幼婦碑緣情
 慰漂蕩抱疾屢遷移經濟慚長策飛棲假一

杖塵沙傍蜂蠱江峽繞蛟螭蕭瑟唐虞遠
 翻楚漢危聖朝兼盜賊異俗更喧卑鬱鬱星
 辰劔蒼蒼雲雨池兩都開幕府萬寓插軍麾
 南海殘銅柱東風避月支音書恨烏鵲號怒
 怪熊羆稼穡分詩興柴荆學士宜故山迷白
 閣秋水憶皇陂不敢要佳句愁來賦別離

日例一作日制趙曰心從弱歲疲公自謂也
 江左指嵇阮鮑謝之作也鄴中指曹丕兄弟
 及當時七子之作也朱曰莊子桓公讀書於
 堂上輪扁斲輪於堂下曰以臣之事觀之斲

輪得之於手而應之於心臣不能以喻臣之
子臣之於子亦不能受之於臣是以有年七十
而老斲輪古之人與其不可傳也死矣然則
君之所讀者古人之糟粕已夫書若考作室
既底法厥子乃弗肯堂矧肯構夢弼曰按麒
麟帶好兒及車輪徒已斲之句公蓋自歎弱
歲苦學為文今雖幸有子而有不能傳之妙
也宋曰後漢王符隱居著書以譏當時得失
不欲彰顯其名號曰潜夫論語林曹操與楊
修讀曹娥碑碑陰有八字曰黃絹幼婦外孫
藁曰修知之操行三十里乃悟此言絕妙好
辭陸機文賦詩綠情而綺麗張華傳寶劍之
精也徹于天周瑜傳蛟龍得雲雨恐非池中
物也馬援征南立銅柱以勒功趙口月支以
比吐蕃也白閣乃終南山相附之
山皇陂則皇子陂也皆在關中

吾宗

公自注南倉曹崇簡鶴曰按川
系表崇簡出襄陽房為益州司

馬參軍

王云北等律唐人絕少

吾宗老孫子質朴古人風耕鑿安時論衣冠

與世同在家常早起憂國願年豐山林塵土
婉有餘情

語及君臣際經書滿腹中

第五弟豐獨在江左近三四載寂無

消息竟使寄此二首

亂後嗟吾在羈棲見汝難草黃騏驎病沙晚

何等

鵲鴿寒楚設關城險吳吞水府寬十年朝夕

淚衣袖不曾乾孫莘老云草黃騏驎病沙晚

世亂兄弟不相見也趙曰夔峽為楚地之險阻吳中則有三江震澤

聞汝依山寺杭州定越州情素懸切風塵淹

別日江漢失清秋影著啼猿樹清魂飄結蜃

樓明年下春水東盡白雲求趙曰虛照鄰巫

猿樹洙曰史記天官書海傍蜃氣象樓臺

送田四弟將軍歸夔州柏中丞命起

居江陵節度陽城郡王衛公墓洙曰

夔府送田將軍歸江陵

離筵罷多酒起地發寒塘多酒可起地不可

回首中丞座馳牋異姓王燕辭楓樹日鴈度

麥城霜空醉山翁酒遙憐似葛疆趙曰御史

獨坐漢有異姓諸侯王洙曰葛疆山簡愛將也注見前夢弼曰以山公此柏中丞以葛疆

比田將軍

解悶十二首

流麗道
送
滄溟選

草閣柴扉星散居浪翻江黑雨飛初山禽引

子哺紅果溪女得錢留白魚本一作溪友先生云女字是

商胡離別下揚州憶上西陵故驛樓為問淮

東米貴賤老夫乘興欲東流

一辭故國十經秋每見秋瓜憶故丘今日南

湖采薇蕨何人為覓鄭瓜州公自注今鄭祕監審○因瓜憶

鄭審為金陵有瓜州號鄭瓜州皆詞人風流

洪蕩之態亦多類此○趙曰邵平種瓜長安東門公長安人故感秋瓜而懷故鄉也師曰瓜州金陵之別號鄭審乃公之故人也

沈范早知何水部曹劉不待薛郎中獨當省

署開文苑兼泛滄浪學釣翁如此作詩宜注者不能曉也○

趙曰何水部乃何遜也早為沈約范雲所知薛郎中薛璩也若薛郎中者恨不與曹植劉

楨同時後山詩話子美懷薛璩云獨當省署開文苑兼泛滄浪學釣翁蓋省署開文苑滄

浪學釣翁璩之詩以美璩前在省部今在荆南也

李陵蘇武是吾師孟子論文更不疑校公自注

孟雲卿○此一飯未曾留俗客數篇今見古

孟子亦差異人詩始於蘇武李陵

上集卷之五 五

復憶襄陽孟浩然清詩句句盡堪傳即今者

舊無新語謾釣槎頭縮項鱖謂但有鱖魚差

詩也。洙曰孟浩然開元時人有詩云梅花

殘臘月柳色半春天鳥泊隨陽鴈魚藏縮項

鱖又云試垂竹竿釣果得槎頭鱖趙曰習鑿

齒襄陽者舊傳云漢水中鱖魚甚美禁人捕

以槎斷水因謂之槎頭鱖曰宋張敬兒作

書與蕭道成云奉槎頭縮項鱖一千八百頭

陶冶性靈存底物新詩改罷自長吟熟知二

謝將能事頗學陰何苦用心韓子蒼曰東坡

少兩句改數字蘇公下筆奇偉尚竄定如此

嘗語參寥曰如老杜言新詩改罷自長吟者

乃知此老用心甚苦後人不復見其剖劘但

稱其渾厚耳鶴曰二謝謂靈運惠連陰何謂

遜也

不見高人王右丞藍田丘壑蔓寒藤最傳秀

句寰區滿未絕風流相國能公自注右丞弟

詩晚年多倒用老態其所自得然未可盡以

為法黃山谷偏嗜此等自取成家此能字又

別本是未害其弟為能耳。洙曰按唐書王

先帝貴妃俱寂寞荔枝還復入長安炎方每

續朱櫻獻玉座應悲白露團櫻桃薦廟荔枝

之感但語晦然尚可曉。宋曰楊貴妃傳妃

嗜荔枝必欲生致之乃置騎傳送數千里味

色未變至京師趙曰禮記仲夏之月天子

以含桃先薦寢廟注云即櫻桃也

憶過瀘戎摘荔枝青楓隱映石逶迤京華應

見無顏色紅顆酸甜只自知謂色變。洙曰

蜀中惟瀘戎二

州產荔枝

翠瓜碧李沉玉甃赤梨蒲萄寒露成可憐先

不異枝蔓此物娟娟長遠生兩語兩意。洙

曰玉甃井也趙

此物指荔枝也

側生野岍及江蒲不熟丹宮滿玉壺雲壑布

衣鮐背死勞生重馬翠眉須趙注意是如此

生重馬有此意未有此辭然極以重字為老

頗費解說。趙曰此篇山谷云亦貢荔枝之

什蜀都賦側生荔枝江蒲則自戍焚而下例

以取為蒲今官私契約皆然因以押韻丹宮

-5 165 35 885" data-label="Text">

神仙之宮以此禁苑玉壺珍貴之器以言至

眉謂妃子也

哭王彭州掄

執友驚淪沒斯人已寂寥
 新文生沈謝異骨
 降松喬北部初高選
 東堂早見招蛟龍
 纏倚劍鸞鳳夾吹簫
挽詩有此盛麗○此武藝此美人殊有制作挽詩出此又
 別歷職漢庭久
 中年胡馬驕
 兵戈聞兩觀
 寵辱事三朝
語有蜀路江干窄彭門地里遙
 解龜生碧草
 諫獵阻青霄
 頃壯戎塵出
 叨陪幕

語晦淨前
詩句稍明

府要將軍臨氣候壯士寒風颭亦有井滌泉
 誰汲烽竦火不燒前籌多自暇隱几接終朝
 翠石俄雙表寒松竟後凋贈詩焉敢墜染翰
 欲無聊再哭經過罷離魂去住銷之官方玉
 拆寄葬與萍漂曠望渥洼道霏微河漢橋夫
 人先卽世令子各清標巫峽長雲雨秦城近
 斗杓馮唐毛髮白歸興日蕭蕭沈約謝靈運
也松喬謂赤松子王子喬也趙曰北部高選
 言王掄初官得京畿尉用曹操年二十除洛

上集卷之五

七

息

陽北部尉東堂見招言王掄朝見也東堂亦
臨幸延見之處如晉郗詵遷刺史武帝於東
堂會送問詵曰卿自以為何如詵有桂林一
枝之對蛟龍纏劍用延平津劍躍水化龍鸞
鳳吹簫用蕭史教弄玉吹簫而鳳凰至洙曰
中年胡馬驕謂安史之亂兩觀闕也東京賦
建象魏之兩觀趙曰三朝謂明皇肅宗代宗
洙曰彭門蜀之觀也彭州也解龜謂官滿解印也
謝靈運詩解龜在景平諫獵用司馬相如上
上封事不報叨陪幕府要掄在彭州又參成
都節度軍謀故云希曰唐人多言戎麾如杜
佑制出總戎麾洙曰易井深不食趙曰凡軍
旅所在必先論井泉凡有警必頻舉烽火今
井泉不汲而然也洙曰張良借箸前籌莊子
參謀所致而然也

南郭子綦隱几而坐趙曰再哭經過罷謂聞
掄之死已哭矣今靈漣經過夔州再哭焉洙
曰之官字用漢書蕭望之便道之官趙曰渥
洼道如天馬篇天馬徠循東道河漢橋如世
傳織女渡河而鳥鵲為橋此言掄之喪在道
路所歷也秦城謂長安馬唐公自喻注見前
覆舟二首
夢弼曰此詩諷玄宗好神
仙黔陽郡秋貢丹砂等物
以供燒煉之用而
使者乃沉其舟也

巫峽盤渦曉黔陽貢物秋丹砂同隕石翠羽
共沈舟羈使空斜影
斜字龍居悶積流篙工
幸不溺俄頃逐輕鷗
洙曰郭璞江賦盤渦谷
轉隕石字出左傳趙曰

羈使空斜影一句寫出押船使者船覆而無聊之意盡矣

竹宮時望拜桂館或求僊姹女凌波日神光

照夜年徒聞斬蛟劍無復爨犀船使者隨秋

色迢迢獨上天言船已覆矣空隨秋色而去猶前斜字無聊之意此舟必

當時求藥方士之類。洙曰前漢禮樂志武帝以正月辛酉用事甘泉園丘昏祠至明夜

常有神光集于祠壇天子自竹宮望拜百官侍祠皆肅然動心焉郊祀志武帝時公孫卿

曰仙人好樓居於是令長安作飛廉桂館山

谷曰竹宮桂館事皆語諷玄宗好神仙夢游

女真來也又道家四象論西方庚辛金水

建洛神賦凌波微步羅襪生塵呂氏春秋荆

人飲飛得寶劍渡江中流兩蛟繞舟幾沒飲

飛拔劍斬蛟乃得濟晉温嶠宿牛渚磯下世

云其下多怪物嶠遂然犀角照之

峽口二首

峽口大江間西南控百蠻城歆連粉堞岍斷

更青山開闢當天險防隅一水關亂離聞鼓

角秋氣動衰顏洙曰防隅一水關蓋

時清關失險世亂戟如林去矣英雄事荒哉

割據心蘆花留客晚楓樹坐猿深疲薊煩親

故諸侯數賜金公自注主人柏中丞頻分月

之際夔峽為要衝也

秋風二首

秋風淅淅吹巫山上牢下牢修水關吳檣楚

旄牽百丈暖向神都寒未還要路何日罷長

戟戰自青羗連白蠻中巴不得消息好瞑傳

戍鼓長雲間洙曰上牢下牢皆峽內地名水

滄溟選

秋風淅淅吹我衣東流之外西日微天清小

城擣練急石古細路行人稀不知明月為誰

好早晚孤帆他夜歸會將白髮倚庭樹故園

池臺今是非如竹枝樂府矯矯長句不必親

眼前之景宛轉含蓄道不盡淒感之意

冬多旱乾修水關必在秋時

間行舟以竹相續為索以引上水舟謂之百丈

文夢弼曰按唐志光宅元年號東都曰神都

暖向神都寒未還謂輪運入京師也鶴曰青

羗謂吐谷渾嘗封青海國王趙曰嵩州以西有烏蠻白蠻

西閣二首

大曆元年秋夔州作鶴曰公時寓居夔州之西閣

巫山小搖落碧色見松林百鳥各相命孤雲

無自心盡言開合盡之層軒俯江壁要路亦

高深朱紱猶紗帽新詩近玉琴功名不早立

衰疾謝知音哀世非王粲終然學越吟夢弼曰周

書時訓鳴始鳴通卦驗鳴伯勞也鳴者相命也漢末西京擾亂王粲去而依劉表於荊州

思歸作登樓賦云莊舄顯而越吟史記越人所莊舄在楚有頃而病楚王使人察其意之所

向聞其越聲也

懶心似江水日夜向滄洲不道含香賤其如

鑷白休經過凋碧柳蕭瑟倚朱樓畢娶何時

竟消中得自由豪華看古往服食寄冥搜詩

盡人間意兼須入海求而曰應劭漢官儀桓

口鼻上出雞舌香與含之後尚書郎含雞舌

香始於此夢弼曰公自謂為員外郎也田曰

南史鬱林王年五歲戲高帝傍帝笑謂左右曰

白髮問王我誰耶答曰大翁帝笑謂左右曰

豈有為平男女嫁娶畢斷家事勿相關趙曰

日尚子平男女嫁娶畢斷家事勿相關趙曰

消中公素有消渴疾洙曰選服

食求神仙天台賦遠寄真搜

社日二首

九農成德業百祀發光輝報效神如在馨香

舊不違南翁巴曲醉北鴈寒聲微尚想東方

朔詎諧割肉歸深曰左傳少皞氏以九扈為

兩翁以醉而歌巴渝之曲深曰漢武帝伏日

詔賜從官肉太官日晏不來東方朔獨拔劍

割肉謂同官曰伏日當早歸請受賜即懷肉

去太官奏之詔朔自責朔曰拔劍割肉一何

壯也割之不多又何廉也歸遺細君又何仁

社也鮑曰史記諸侯表秦德公二年初作伏祠

伏日此詩用伏日事何疑

平亦分肉太史竟論功今日江南老他時

渭北童社日詩如此歡娛看絕塞涕淚落秋

風鴛鴦迴金闕誰憐病峽中洙曰漢陳平傳

分肉甚均父老曰善陳孺子之為宰平日嗟

乎使平得宰天下亦如此肉矣夢弼曰陸機

曰社之日至太史占事洙曰公生

於渭北老於江南末句蓋自傷也

江月

江月光於水高樓思殺人天邊長作客老去

一霑巾玉露團清影銀河沒半輪誰家挑錦

養拙蓬爲戶，茫茫何所開。江通神女館，地隔望鄉臺。漸惜容顏老，無由弟妹來。兵戈與人事，迴首一悲哀。洙曰：巫山有神女廟，成都有望鄉臺。

夔府書懷四十韻

昔罷河西尉，初興薊北師。不才名位晚，敢恨省郎遲。扈聖崆峒日，端居艷澗時。萍流仍汲引，檇散尚恩慈。遂阻雲臺宿，當懷湛露詩。翠華森遠矣，白首颯淒其。拙被林泉滯，生逢酒

斯文園終寂寞，漢閣自磷緇。病隔君臣議，漸紆德澤私。揚鑣驚主辱，拔劍撥年衰。奇壯可尚社稷經綸地，風雲際會期。血流紛在眼，涕泗亂交頤。四瀆樓船泛，中原鼓角悲。賊壕連白翟，戰瓦落丹墀。先帝嚴靈寢，宗臣切受遺。恒山猶突騎，遼海競張旗。田父嗟膠漆，此膠漆誰曉似謂難行人避蒺藜。上句兵連禍結總戎存大體，降將飾卑詞。楚貢何年絕，堯封舊俗疑。長吁翻北

寇一望卷西夷不必陪玄圃超然待具茨凶

兵鑄農器講殿闢書幃好氣象有又非

廟筭高難測天憂實在茲形容真潦倒荅效

莫支持使者分王命羣公各典司恐乖均賦

斂不似問瘡痍萬里煩供給孤城最怨思綠

林寧小患雲夢欲難追卽事須嘗膽蒼生可

察眉老成議堂猶集鳳貞觀是元龜處喧

飛檄家家急競錐蕭車安不定蜀使下何之

劍瀨跡墳籍耕巖進奕碁善自道此地蒸餘

破扇冬暖更織絲豺邁哀登楚麟傷泣象尼

衣冠迷適楚藻繪憶遊睢賞月延秋桂傾陽

逐露葵大庭終反撲京觀且僵尸高枕虛眠

晝哀歌欲和誰南宮載勲業凡百慎交綏交

自喻甫出蜀時時有意歸朝如何如合分雙賜筆

如歸朝日簪笏筋力定如何○洙曰此詩公

首叙初召試集賢院授河西尉不拜者蓋肅

反繼而尼從肅宗于外所謂崆峒日者蓋肅

宗嘗幸平涼郡未幾公入蜀為工部員外郎

今又居夔州故有萍流桴散之歎也夢弼曰

上集卷十五

五

齊

漢司馬相如為孝文園令公嘗獻三賦故以
相如為比揚雄校書天祿閣上治獄使來收
相雄乃自閣上自投下公嘗言房瑄不宜罷
相忤肅宗故以揚雄事為比漢光武救
昆陽會大雷風屋瓦皆飛蕭何傳曰先帝嚴
公孫弘傳受遺則霍光金日磾師曰先帝嚴
靈寢言肅宗收京修寢廟也宗臣切受遺言
受遺詔立代宗也朱曰恒山謂河北遼海謂
遼東皆史思明之窟穴也總戎謂元帥時代
宗為帥左傳齊責楚爾貢包茅不入趙曰北
寇指安史西夷指吐蕃不必陪玄圃公自喻
不必在朝列也朱曰莊子黃帝將見大隗乎
具茨之山至于襄城之野七聖皆迷適遇牧
馬童子問塗焉家語鑄劍戟以為農器漢文
帝集上書囊為殿幃趙曰孤城指言夔州朱
曰後漢劉玄傳者亡命共收離鄉聚藏於綠

中注綠林山在今荆州韓信傳有告信以
反上患之用陳平計偽遊於雲夢遂擒信以
歸爾雅釋地楚有雲夢詠曰綠林雲夢謂荆
楚復亂也朱曰議堂者議政之堂議政當以貞觀為龜
趙曰議堂者議政之堂議政當以貞觀為龜
鑑也朱曰江淹書競錐刀之利孝祥曰競錐
言賦歛之急也趙曰漢蕭育傳哀帝時南郡
多盜賊拜育為南郡太守上以育者舊名臣
乃以三公使傳載育入殿中受策曰南郡盜
賊為害朕甚憂之太守威信素著其為民除
害安元元而巳蜀父老趙曰文曰釣瀨耕巖公馬相
如使蜀因論巴蜀父老趙曰文曰釣瀨耕巖公馬相
以自述也嚴子陵釣處後人名為嚴陵公借
子真耕於巖石之下地蒸冬暖言夔之風土
也朱曰王粲七哀詩西京亂無象豺虎方
患又南登灞陵岸回首望長安公羊傳魯哀

土集卷之五

三

濟

公西狩獲麟孔子反袂涕下曰吾道窮矣趙
曰王粲登荆州之樓而作賦孔子之生其父
母禱於尼丘故名丘傳記又載孔子之首象
尼山莊子宋人資章甫而適越越人斷髮文
身無所用之夢弼曰三國陳孔璋為曹洪與
魏文帝書遊睢渙者學藻繪之絲注云睢渙
二木名其處人能織藻績錦綺天子御服出
焉趙曰睢木在南都宋州公少年嘗遊此洙
曰曹子建表若葵藿之傾太陽趙曰大庶氏
至德之世也洙曰左傳古者明王伐不敬取
其鯨鯢而封之以為大戮於是乎有京觀後
漢明帝追感前世功臣圖畫於南宮雲臺左
傳交綏而退

十六夜翫月

舊挹金波爽皆傳玉露秋關山隨地闊河漢

近人流谷口樵歸唱孤城笛起愁巴童渾不

寐半夜有行舟洙曰漢郊祀歌月穆穆以金

蓋本樂府有關山月又王褒詩關

贈李十五丈別鶴曰李祕書文蔚也

其來會於夔此又在夔贈別其奉寄

詩中亦有玄成負文彩衣冠八尺身

峽人鳥獸居其室附層巔下臨不測江中有

萬里船多病，紛倚薄少留。改歲年絕域，誰慰
 懷開顏。喜多賢孤陋，忝末親等級。敢比肩人
 生意氣，合相與襟袂。連一日遣兩僕，三日共
 一筵。揚論展寸心，壯筆過飛泉。玄成美價存，
 子山舊業傳。不聞八尺軀，常受衆目憐。且爲
 苦辛行，蓋被生事牽。北廻白帝棹，南入黔陽
 天。泝公制方隅，公自注泝公李勉迥出諸侯
 先。封內如太古，時危獨蕭然。清高金莖露，正

直朱絲絃，昔在堯四岳。今之黃潁川，于邁恨
 不同。所思無由宣，山深水增波。解榻秋露懸，
 客遊雖云久，亦思月再圓。晨集風渚亭，醉操
 雲嶠篇。丈夫貴知己，歡罷念歸旋。趙曰謝靈運詩拙疾
相倚薄。朱曰漢章賢少子玄成。復以明經歷
位至丞相。南北朝。庾信字子山。父肩吾。與徐
陵父子文並綺。世號爲徐庾體。鶴曰黔陽
黔州也。屬江南道。州公李勉也。封泝國公。時
爲江西觀察使。治在洪州。今李十五丈往謁
之由黔。以入豫章也。故下有解榻秋露懸
之句。是韓用陳蕃事。朱曰金莖字出西都賦。如
謂漢武帝承露盤之銅柱也。鮑明遠詩直如

朱絲繩堯時羲和四子分掌四岳之諸侯漢黃霸為潁川太守有治狀此以美沂公也

送覃二判官

先帝弓劍遠小臣餘此生蹉跎病江漢不復
謁承明餞爾白頭日永懷丹鳳城遲遲戀屈
宋渺渺臥荆衡魂斷航舸失天寒沙水清肺
肝若稍愈亦上赤霄行趙曰先帝謂肅宗小
臣公自謂也承明殿
名丹鳳城指長安以秦
弄玉吹簫鳳集而名

江上

王云全篇
俱妙

江上日多雨蕭蕭荆楚秋高風下木葉永夜
攬貂裘勲業頻看鏡行藏獨倚樓時危思報
主衰謝不能休後山詩話俗陵嘗觀子美詩
勲業頻看鏡行藏獨倚樓謂
甫之詩皆
不治此

戲寄崔評事表姪蘇五表弟韋大少

府諸姪

隱豹深愁雨潛龍故起雲泥多仍徑曲心醉
阻賢羣忍待江山麗還披鮑謝文高樓憶踈

豁秋興坐氤氲

定功曰劉向列女傳陶荅子妻諫其夫曰妾聞南山有玄

豹霧雨七日而不下食者欲以澤其毛而成文章故藏以遠害也

也運

西閣雨望

樓雨霑雲幔山寒著水城

楚逕添沙面出湍

減石稜生菊藥淒踈

晚晴吳郎見過北舍

隔徑開欲棲羣鳥亂未去小童催明日重陽

酒相迎自醞醅

九日諸人集于林

九日諸人集于林

九日明朝是相要舊俗非老翁難早出賢客

幸知歸舊采黃花

樂忍淚已霑衣

夜

調高

露下天高秋水清。空山獨夜旅魂驚。踈燈自照孤帆宿。新月猶懸雙杵鳴。南菊再逢人臥病。北書不至鴈無情。步蟾倚杖看牛斗。銀漢遙應接鳳城。

定功曰王粲七哀詩獨夜不能寐鶴曰公以去年秋至雲安故

秋日寄題鄭監湖上亭三首

鶴曰鄭審湖亭

在峽

碧草遠春意。沅湘萬里秋。池要山簡馬。月靜

及公樓磨滅餘篇翰。平生一釣舟。高唐寒浪

減。鬢髯識昭丘。

宋曰晉山簡庾亮事並見前注荆州有楚昭王墓王粲登

樓賦云西接昭丘

新作湖邊宅。還聞賓客過。自須開竹徑。誰道

避雲蘿。官序潘生拙。才名賈誼多。捨舟應卜

地。鄰接意如何。

宋曰晉潘岳仕宦不達乃作閑居賦曰僕自弱冠涉于知

命之年入徙官而一進階再免除名一不拜職遷者三而已矣雖通塞有命抑亦拙者之

效也漢賈誼年少通諸家之書

暫住蓬萊閣終為江海人揮金應物理拖玉

豈吾身兩語實甚造詣謂積而不散與老不

而甚知退者皆非下句更好羹煑秋尊弱杯迎露菊新賦詩分氣象

佳句莫頻頻氣象是其所長故常及之

藏書於東觀學者稱為老氏藏室道家蓬萊

山桓帝時始置秘書監洙曰揮金字出張景

陽詠二疏詩揮金樂當年歲暮不留儲按疏

廣為太傅歸鄉里數問其家所賜金餘尚有

幾趣賣以具酒食請族人故舊與相娛樂潘

岳西征賦飛翠綬施鳴玉以出入禁門者衆

矣趙曰末句謂鄭監分我以賦詩

之氣象則佳句莫非頻頻有之乎

秋興八首八詩大體沉雄富麗哀傷

玉露凋傷楓樹林巫山巫峽氣蕭森江間波

浪兼天湧塞上風雲接地陰叢菊兩開他日

淚孤舟一繫故園心寒衣處處催刀尺白帝

城高急暮砧

夔府孤城落日斜每依南斗望京華聽猿實

下三聲淚苦奉使虛隨八月槎畫省香爐遠

滄溟運

他日見菊之

開嘗兩揮淚

即感時花濺

淚意意在故

園而身滯舟

中繫身所以

整心也

適見日斜
看月出感慨
之入不覺
時而光陰
禪亦可傷矣

伏枕畫省香爐雖點綴山樓粉堞隱悲笳請
看石上藤蘿月已映洲前蘆荻花宋曰宜都

東三峽猿鳴悲猿鳴三聲淚霑衣夢弼曰按
張華博物志止載近世有人居海上每年八
月見槎來不失期遂齎糧乘之而到天河宗
懔作荆楚歲時記乃傳會以為張騫事前賢
詩多據用之謂之美亦承襲而用之耳趙曰省
中以粉畫之謂之畫省漢官儀尚書郎入直
給女侍史二人執香爐以從公為尚書員外
郎自歎違去省中以多病伏枕故耳下句山
樓粉堞言
在夔州也
千家山郭靜朝暉日日江樓坐翠微信宿漁

鄴道元水經
云魚龍以秋
日為夜龍秋
分降蟄寢
於淵故也

人還汎汎汎汎無所得也清秋鷺子故飛飛匡衡抗
疏功名薄劉向傳經心事違同學少年多不
賤五陵衣馬自輕肥洙曰漢匡衡元帝時上
悅其言遷為太子少傅劉向宣帝時初立
穀梁春秋徵向受穀梁講論五經於石渠
聞道長安似奕碁百年世事不勝悲王侯第
宅皆新主文武衣冠異昔時直北關山金鼓
振征西車馬羽書遲魚龍寂寞秋江冷故國
平居有所思趙曰直北言夔之北乃隴右關

止集卷十五

三

美

滄溟選

自贊

寒

點讀音

亂魚龍川在秦州因起故國平時之思也

蓬萊宮闕對南山承露金莖霄漢間西望瑤

池降王母東來紫氣滿函關律句有此雲移

雉尾開宮扇日繞龍鱗識聖顏一臥滄江驚

歲晚幾回青瑣點朝班希曰南山終南山也

盤又七月七日西王母嘗降漢武帝作承露

傳老子西遊紫氣浮函谷關趙曰崔豹古今

瞿唐峽口曲江頭萬里風煙接素秋起便花

萼夾城通御氣芙蓉小苑入邊愁蜀之怨懷

故京之思不分珠簾繡柱圍黃鶴錦纜牙檣

起白鷗對句耳不迴首可憐歌舞地秦中自

古帝王州洙曰瞿唐在夔曲江在長安玄宗

園夢弼曰珠簾繡柱言曲江宮殿

錦纜牙檣言天子泛龍舟宴賞也

昆明池水漢時功武帝旌旗在眼中織女機

絲虛月夜石鯨鱗甲動秋風波漂菰米沉雲

黑露冷蓮房墜粉紅關塞極天唯鳥道江湖

瞿唐在夔

州曲江在長

江地遠而氣

自接

入字妙以通

御氣之地而

邊愁入焉

傷之也時吐

蕃紀京師

故也

滄溟選

虛月動風

極荒落神

怪之狀李

賓之曰女

二句神妙

滿地一漁翁

洙曰漢紀注武帝欲征昆明夷為其地有滇池乃作池象之以

習水戰因名曰昆明池在長安西南西都賦注昆明池左右作牽牛織女以象天河西京

雜記昆明池刻玉石為鯨每至雷雨鯨常鳴吼鬣尾皆動漢世祭之以祈雨夢弼曰菰米

蓮房皆言池中所有關塞言白帝城鳥道言峽中高山趙曰魚翁公自謂也

昆吾御宿自逶迤紫閣峰陰入漢陂香稻啄

餘鸚鵡粒碧梧棲老鳳凰枝語有悲念佳人拾

翠春相問僊侶同舟晚更移甚有風韻綵筆

昔曾干氣象白頭吟望苦低垂趙曰昆吾御宿乃地名漢

書武帝廣開上林南至宜春鼎湖御宿昆吾是也紫閣峰乃終南山之別峰與漢陂皆在

長安古今詩話子美詩云香稻啄餘鸚鵡粒碧梧棲老鳳凰枝此語反而意奇退之詩云

舞鏡鸞窺沼行天馬渡橋亦效此體趙曰費昶春郊望美人詩芳郊拾翠人夢弼曰春相

問乃詩人雜佩以問之之意也洙曰李膺郭林宗同舟而濟人望之以為神仙夢弼曰子

美昔遊漢陂曾留篇詠集中有漢陂行故今相望有白頭低垂之歎

寄柏學士林居

自胡之反持干戈天下學士亦奔波歎彼幽

棲載典籍蕭然暴露依山阿青山萬里靜散

北語便妙

上集卷五

地白雨一洗空垂蘿亂代飄零予到此古人

成敗子如何此自佳句每於句內款曲至後山復變四字耳公又云不恨

我衰子貴時望且為今相憶悵荆揚春冬異風土巫峽日夜

多雲雨赤葉楓林百舌鳴黃泥野岬天雞舞

盜賊縱橫甚密邇形神寂寞甘辛苦幾時高

議排金門各使蒼生有環堵洙曰天雞鳥名

詠懷古跡五首

支離東北風塵際漂泊西南天地間三峽樓

正北極也帶御也言歲月滄海也

臺淹日月五溪衣服共雲山羯胡事主終無

賴詞客哀時且未還庾信平生最蕭瑟暮年

詩賦動江關洙曰支離不全貌漢書武陵五溪蠻夷注云在今辰州界衣服言異制也羯胡謂

祿山詞客公自謂也周書庾信字子山雖位

望通顯常有鄉關之思乃作哀江南賦以致其意中云壯士不還寒風蕭瑟

遙落深知宋玉悲風流儒雅亦吾師悵望千

秋一灑淚蕭條異代不同時江山故宅空文

藻雲雨荒臺豈夢思最是楚宮俱泯滅舟人

悲壯
調
首
尾
渾
金

指點到今疑

不脣屑用事結得更高○希曰歸州有宋玉宅歸與夔為鄰故此篇詠宋玉趙曰夔州巫峽十二峰下有神女廟按宋玉高唐賦言楚王夢巫山之女此興託也故公有雲雨

羣山萬壑赴荆門生長明妃尚有村
起得一

去紫臺連朔漠獨留青冢向黃昏畫圖省識

春風面環佩空歸月夜魂千歲琵琶作胡語

分明怨恨曲中論漢元帝時宮中按圖召幸王嬙字昭君姿容甚麗畫工乃毀其狀會單于來求美人帝以昭君當行昭君在路馬

上彈琵琶以寄其恨後昭君死葬之胡中多白草昭君塚獨青洙曰江淹恨賦若夫明妃去時仰天太息紫臺稍遠關山無極夢弼曰石季倫明君詞明君本為昭君觸晉文帝諱焉改

蜀主窺吳幸三峽崩年亦在永安宮翠華想

像空山裏玉殿虛無野寺中公自注山有臥龍寺先主祠在焉

古廟杉松巢水鶴歲時伏臘走村翁武侯

祠屋長鄰近公自注殿今為一體君臣祭祀

同洙曰蜀先主劉備以孫權襲關羽之故東征三吳為吳將陸遜所破於秭歸步歸魚

上集卷五

三

午

復改爲永安遂卒於永安宮趙曰翠華天子之旗也希曰春秋繁露白鶴知夜半注鶴水生鳥也夜半水位感其生氣則益喜而鳴

諸葛大名垂宇宙宗臣遺像肅清高三分割

據紆籌策萬古雲霄一羽毛伯仲之間見伊

呂指揮若定失蕭曹兩語氣槩別贊孔明運

移漢祚終難復志決身殲軍務勞此也宗臣

蕭何曹參爲一代之宗臣注言爲後世之所尊仰也趙曰魏文帝與論傅毅之於班固伯仲之間耳夢弼曰陳平傳天下皆親之

沐曰孔明在軍罰二以皆親之

福作

殿中楊監見示張旭草書圖

斯人已云亡草聖祕難得寫得自在首及及茲

煩見示滿目一悽惻悲風生微緘萬里起古

色鏘鏘鳴玉動落落羣松直連山蟠其間溟

漲與筆力有練實先書臨池真畫墨俊拔爲

之主暮年思轉極未知張王後誰並百代則

嗚呼東吳精逸氣感清識楊公拂篋筭舒卷

張芝字伯英
尤好草書
崔杜之法
之衣帛必書
而後練管
學書水為
黑

忘寢食念昔揮毫端不獨觀酒德

洙曰按本傳張旭蘇

州吳人嗜酒善草書每大醉呼叫狂走乃下筆張王謂張伯英王羲之也趙曰逸氣感清

識謂張旭之逸氣感揚監之清識

楊監又出畫鷹十二扇

近時馮紹正能畫鷲鳥樣明公出此圖無乃

傳其狀若非老筆麓疎乍見起語豈不失笑殊姿各獨立清絕

心有向疾禁千里馬氣敵萬人將憶昔驪山

宮冬移舍元仗天寒大羽獵此物神俱王當

時無凡材百中皆用壯詭勢浩然筆熟粉墨

形似間識者一惆悵干戈少暇日真骨老崖

嶂為君除狡兔會是翻鞞上夢弼曰馮紹正開元中任少府

監善畫鷹鷂洙曰玄宗太平時常以冬十月幸驪山溫泉宮較羽獵時寧王有高麗赤鷹

尤俊異帝獵則置之駕前號决雲兒

送殿中楊監赴蜀見相公趙曰相公杜鴻漸也

是年受劍南節度使

去水絕還波洩雲無定姿興人生在世間聚

信

散亦暫時離別重相逢偶然豈足期送子清
 秋暮風物長年悲豪俊貴勲業邦家頻出師
 相公鎮梁益軍事無子遺解榻再見今用才
 復擇誰況子已高位為郡得固辭難拒供給
 費慎哀漁奪私干戈未甚息紀綱正所持泛
 舟巨石橫登陸草露滋山門日易久當念居
 者思夢弼曰梁益劔南道也解榻用
 陳蕃事山門公自謂在夔峽間

○補遺

送殿中楊監

蔡興宗正異云別離
足期足字集作定

谷邊多事乃冬變所為破甘霜落爪嘗稻
 翻匙巫峽寒都薄烏啼瘴遠隨終然滅灘

白木隱几

集千家註杜工部詩集卷之十五

青集卷之十五

遊中縣

吳興宗五與云他驛

集千家註杜工部詩集卷之十六

孟冬

大曆元年冬夔州作鶴曰公時寓居夔州之西閣

殊俗還多事，方冬變所為。
破甘霜落爪，嘗稻雪翻匙。
巫峽寒都薄，烏蠻瘴遠隨。
終然減灘瀨，暫喜息蛟螭。

悶

瘴癘浮三蜀，風雲暗百蠻。
卷簾唯白水，隱几亦青山。
猿捷長難見，鷗輕故不還。

五字有味如失吾伴

無錢從滯客有鏡巧催顏趙曰夔在三蜀之下百蠻之北故云

雷

巫峽中宵動滄江十月雷龍蛇不成蟄天地

割爭迴每有氣鬼變化目前却碾空山過深蟠絕壁來

何須妬雲雨霹靂楚王臺

朝二首

清旭楚宮南霜空萬嶺含野人時獨往雲木
曉相參俊鶻無聲過飢鳥下食貪病身終不

動搖落任江潭趙曰郭璞江賦祝雲侵於清旭庾信枯園賦昔年移柳依

浦帆晨初發郊扉冷未開村踈黃葉墜寒風踈草

木兩踈字不野靜白鷗來礎潤休全濕雲晴如此有畫色

欲半迴巫山冬可怪昨夜有奔雷趙曰帆扶泛切夢符

曰淮南子山雲蒸柱礎潤

南極

南極青山衆西江白谷分古城踈落木荒戍

密寒雲歲月蛇常見風颺虎忽聞近身皆鳥
 道殊俗自人羣睥睨登哀柝蝥弧照夕曛亂
 離多醉尉愁殺李將軍夢彌曰睥睨城上女
 牆也趙曰左傳鄭伯
 之旗蝥弧深曰漢李廣屏居藍田南山中射
 獵嘗夜從一騎出從人田間飲還至亭霸陵
 尉醉呵止廣廣騎曰故李將軍尉曰今
 將軍尚不得夜行何故也宿廣亭下

晚

杖藜尋晚巷炙背近牆暄人見幽居僻吾知
 拙養尊朝廷問府王欲知朝廷則問府王是
 野人之意但語朴又可

兩耕稼學山村歸翼飛棲定寒燈亦閉門

西閣夜

恍惚寒山暮逶迤白霧昏山虛風落石樓靜
 月侵門擊柝可憐子無衣何處村時危關百
 慮盜賊爾猶存

月圓

孤月當樓滿寒江動夜扉委波金不定照席
 綺逾依未缺空山靜高懸列宿稀故園松桂

王慎中云
全篇佳勝

發萬里共清輝洙曰漢郊祀歌月穆穆以金波江淹詩綺席生浮埃

中宵

西閣百尋餘中宵步綺疏飛星過水白落月

動沙虛語無詭特擇木知幽鳥潛波想巨魚

親朋滿天地兵甲少來書夢弼曰後漢梁冀窓牖皆有綺疏注

縷為綺文也

不寐

瞿唐夜水黑城內改更籌翳翳月沉霧輝輝

星近樓氣衰甘少寐心弱恨容愁寫得婉亦自知之

耳弱本不多何多壘滿山谷桃源無處求洙

禮記四郊多壘

鷗

江浦寒鷗戲無他亦自饒却思翻玉羽隨意

點春苗雪暗還須落風生一任飄幾羣滄海

上清影日蕭蕭子美賦物別自為體異於唐人纖巧

猿

上集卷六

四

信

裊裊啼虛壁蕭蕭挂冷枝艱難人不免隱見

爾如知可感慣習元從衆後五字似率然亦有見

乃全生或用奇前林騰每及父子莫相離夢

曰見賢

黃魚

日見巴東峽黃魚出浪新脂膏兼飼犬長大

不容身筒簞相泐久風雷肯為神泥沙卷涎

沫回首怪龍鱗謂不容其長大語恨風雷肯

此魚視泥沙涎沫之變又未必不怪其言也
○三句迂闊有味蒼舒曰蓋鉄論江陵之人
以魚飼犬沫曰筒簞捕魚器也

白小

白小羣分命天然二寸魚細微霑水族風俗

當園蔬入肆銀花亂傾箱雪片虛生成猶拾

外盡取義何如賓退錄云靖州置醞而以其俗

為蔬今湖北多然謂之魚菜不特靖也老杜

白小詩云白小羣分命天然三寸魚細微霑

水族風俗當園蔬正指此蓋老杜嘗往來荆

楚而此詩則嘉興魯氏定為夔門所作夔亦

與湖北相鄰故也注杜詩者皆不及此宋曰
易係辭物以羣分張子平西京賦獲胎拾卵
盡取

鹿

永與清溪別蒙將玉饌俱十字無無才逐仙

隱不敢恨庖廚又是亂世輕全物非熟諳寇

微聲及禍樞又衣冠兼盜賊饕

養用斯須又一意。衣冠兼盜

鸚鵡

王云此篇與詠猿一首為全篇可觀而此尤勝

鸚鵡含愁思聰明憶別離翠衿渾短盡紅紫

謾多知未有開籠日空殘宿舊枝世人憐復

損何用羽毛奇委折可誦宋曰補衡鸚鵡

雞

紀德名標五初鳴度必三非工部殊方聽有

異失次曉無慙五字備問俗人情似充庖爾

輩堪氣交亭育際巫峽漏司南宋曰雞有五

傳趙曰劉綽啓一物之微遂留亭育

王云六佳
篇也

昔遊

鶴曰此詩叙與高李同
遊時在開元二十五年

昔者與高李

公自注高
適李白

晚登單父臺寒蕪際

碣石萬里風雲來桑柘葉如雨飛藿共徘徊

清霜大澤凍禽獸有餘哀是時倉廩實洞達

寰區開猛士思滅胡將帥望三台君王無所

惜駕馭英雄材幽燕盛用武供給亦勞哉吳

門轉粟帛泛海陵蓬萊肉食三十萬獵射起

黃埃隔河憶長眺青歲已摧頽不及少年日

無復故人杯賦詩獨流涕亂世想賢才有能

市駿骨莫恨少龍媒商山議得失蜀主脫嫌

猜呂尚封國邑傳說已鹽梅景晏楚山深水

鶴去低徊龐公任本性攜子臥蒼苔

鮑曰唐
志卑父

屬宋州夢弼曰碣石海傍山也夢符曰肉食

字見左傳夢弼曰青歲猶言青春也洙曰市

駿骨注見前龍媒良馬也商山議得失謂四

皓出而安漢太子蜀主脫嫌猜謂劉備之得

孔明情好自密呂望封於齊營丘傳說相殷

高宗此皆際時而有為者也龐德公攜妻子

隱鹿門山公

以自况耳

寄杜位

公自注頃者與位同在故嚴尚書幕

寒日經簷短窮猿失木悲峽中為客恨江上
憶君時天地身何往風塵病敢辭封書兩行
淚霑洒衰新詩

送鮮于萬州遷巴州

趙曰鮮于名吳仲通之子也仲

通與弟叔明俱嘗為京兆尹

京兆先時傑琳琅照一門朝廷偏注意接近
與名藩祖帳維舟數寒江觸石喧看君妙為

政他日有殊恩

洙曰漢疏廣傳設祖道供張東都門外

西閣三度期大昌嚴明府同宿不到

問子能來宿今疑索故要匣琴虛夜夜手板

自朝朝金吼霜鍾徹

其人必能琴金吼霜鍾與其音也

花催

蠟炬銷早鳧江檻底雙影謾飄飄

趙曰今疑索故要謂

不來宿者疑我以尋索故要我也夢符曰山海經豐山之鍾霜降自鳴洙曰早鳧用王喬

事鳧鳥

西閣曝日

上集卷二十六

凛冽倦玄冬，負暄嗜飛閣。羲和流德澤，顓頊
 愧倚薄。毛髮具自和，具自猶肌膚潛沃若。太
 陽信深仁，衰氣歛有託。歛傾煩注眼，容易收
 病脚。流離木杪猿，翩躩山顛鶴。朋知苦聚散，
 哀樂日已作。卽事會賦詩，人生忽如昨。古來
 遭喪亂，賢聖盡蕭索。胡為將暮年，憂世心力
 弱。夢弼曰：顓頊，北方之帝，倚薄謂附著而
 弱。陰氣逼人，也。謝靈運詩：拙疾相倚薄。
 小至。夢符曰：或云陽為大陰為
 小至。陰極故曰小至。

人事日相侔，冬至陽生春。又來刺繡五
 紋添弱線，吹葭六琯動浮灰。岸容待臘將舒
 柳，山意衝寒欲放梅。雲物不殊鄉國異，教兒
 且覆掌中杯。夢弼曰：唐雜錄：宮中以女工揆
 常日增一線之工。宋曰：續漢書：以葭莖灰實
 律之端，按曆者候之氣。至則灰飛而管通。左
 傳：凡冬至啓
 閉，必書雲物。

縛雞行

小奴縛雞向市賣，雞被縛急相喧爭。家中厭

初

雞食蟲蟻不知雞賣還遭烹蟲雞於人何厚

薄吾叱奴人解其縛雞蟲得失無了時注目

寒江倚山閣短篇偶然正合如此本無奇特評者既過效者失之

玉腕公自注江陵節度衛公馬也

工部尚書

聞說荆南馬尚書玉腕騮頓驂飄赤汗跼踖

顧長楸胡虜三年入乾坤一戰收舉鞭如有

問欲伴習池遊漢郊祀歌天馬下露赤汗曹子建詩走馬長楸間習

池注見前

見王監兵馬使說近山有白黑二鷹

羅者久取竟未能得王以為毛母有

異他鷹恐臘後春生鶩飛避暖勁翮

思秋之甚眇不可見請余賦詩二首

鶴曰公嘗賦王兵

雲飛玉立盡清秋不惜奇毛恣遠遊在野只

教心力破于人何事網羅求一生自獵知無

王云詠物如汝二詩拙陋之甚

止集卷六

敵自中爭能恥下韉往往語別鵬礙九天須

却避兔經三窟莫深憂趙曰鷹所以獵此野

詩野鷹能自獵宋曰史滑稽傳注韉臂捍也

東觀記太守桓虞曰善吏如使良鷹下韉命

有三窟僅得免於死耳黑鷹不省人間有度海疑從北極來正翮搏

風超紫塞玄冬幾夜宿陽臺虞羅自各虛施

巧春鴈同歸必見猜萬里寒空祗一印金眸

玉瓜不凡材趙曰崔豹古今注秦所築

奉送蜀州柏二別駕將中丞命赴江

陵起居衛尚書太夫人因示從弟行

軍司馬位鶴曰中丞柏貞節也時為

也衛尚書伯玉祖母封鄧國太夫人

中丞問俗畫熊頻愛弟傳書綵鷁新遷轉五

州防禦使起居八座太夫人楚宮臘送荆門

水白帝雲偷碧海春與報惠連詩不惜知吾

斑鬢拗如銀宋曰漢制刺史車畫熊於軾綵鷁謂船首畫鷁以壓水神夢彌

曰唐書方鎮表夔州兼峽忠歸萬五州防禦使隸荆南節度洙曰唐以六尚書左右僕射合為入座宋書謝惠連能屬文族兄靈運嘉賞之云每有篇章對惠連輒得佳句

閣夜也非以壯

歲暮陰陽催短景天涯霜雪霽寒霄更鼓

角聲悲壯三峽星河影動搖

悲。兩句共見奇麗若上句野哭千家聞戰

何足表異評詩未易以此

音書漫寂寥如釋語水中著塩飲水乃知塩

伐夷歌幾處起漁樵臥龍躍馬終黃土人事

壯三峽星河影動搖人徒見陵轍造化之工

不知乃用故事星辰搖動東方朔謂民勞之應則善

武故事星辰搖動東方朔謂民勞之應則善

孔明也郭外有孔明廟躍馬謂公孫述也城

上都賦公孫躍馬而稱帝

奇情灤西寒望灤水橫通山谷間市人謂

色含羣動朝光切太虛

悵望興遠一蕭疎援挂時相學鷗行炯自如

此山白

儉勝 瞿唐春欲至 定卜灤西居 洙曰陸機詩前路既已多

後奎隋年侵

奉送十七舅下邵桂

絕域三冬暮 浮生一病身 感深辭舅氏 別後見何人 縹緲蒼梧帝 推遷孟母鄰 昏昏阻雲水 側望苦傷神 趙曰蒼梧以迷舅氏所往之方孟母謂舅氏之世也

送王十六判官

客下荆南盡 君今復入舟 買薪猶白帝 鳴櫓

少沙頭 衡霍生春早 瀟湘共海深 荒林廢

宅為仗主人留 孫曰夔州俗買薪沽水夢彌曰少猶少頃也少一作巴洙

曰江陵吳船至泊於郭外沙頭希曰衡山一名霍山故云衡霍庚信宅在江陵

不離西閣二首

江柳指時發 江花冷色頻 地偏應有瘴 臘近

已含春 失學從愚子 無家住老身 不知西閣

意肯別定留人 趙注是洙曰住一作任趙曰肯別定留人言西閣之意肯

令我別亦莫定要留人也

西閣從人別人今亦故亭江雲飄素練石壁
斷空青滄海先迎日銀河倒列星平生耽勝
事吁駭始初經田曰空青字詩人無敢使
惟太白云山色倒空青

謁真諦寺禪師

蘭若山高處煙霞嶂幾重凍泉依細石晴雪
落長松若無晴字何以成詩問法看詩妄亦有見地觀身向
酒慵未能割妻子卜宅近前峰洙曰梵言無
蘭若唐言無

諍也故僧寺謂之蘭若

赤甲

大曆二年夔州作鶴曰是年
公遷居赤甲趙曰赤甲山名其
山高大不生草木土皆赤色故謂之
赤甲又甲本岬字洙曰赤甲白鹽瞿

唐峽口二山

卜居赤甲遷居新兩見巫山楚水春炙背可

以獻天子美芹由來知野人一事兩句不相屬荆州

鄭薛寄書近蜀客郗岑非我鄰笑接郎中評

事飲病從深酌道吾真洙曰嵇康絕交書野
人有快炙背而美芹

子者欲獻之至尊雖有區區之意亦已疎矣
夢弼曰鄭審薛璩却昂岑參皆公之故舊也

鶴曰評事必崔評事第郎中欠考

入宅三首

奔峭背赤甲，斷崖當白鹽。客居媿遷次，春酒

漸多添。花亞欲移竹，下句韻勝鳥窺新卷簾。衰年

不敢恨，勝槩欲相兼。

亂後居難定，春歸客未還。水生魚復浦，雲暖

麝香山。半頂梳頭白，過眉拄杖斑。相看多使

者，一一問函關。夢弼曰按地志夔之魚復瀼頽風濤電射其地巨魚卻而

得在上故名魚復浦定功曰夔州圖經窮香山在州之東南山有麝香故以名之洙曰一問函關時吐蕃亂關中之信不通

宋玉歸州宅，雲通白帝城。吾人淹老病，旅食

豈才名。峽口風常急，江流氣不平。只應與兒

子，飄轉任浮生。

江雨有懷鄭典設

春雨闇闇塞峽中，早晚來自楚王宮。亂波分

披已打岸，弱雲狼藉不禁風。寵光蕙葉與多

木真卷六
五
碧點注桃花舒小紅谷口子真正憶汝遊高
灤滑限西東

雨不絕

鳴雨既過漸細微映空搖颺如絲飛階前短
草泥不亂院裏長條風乍稀舞石旋應將乳
子行雲莫自濕仙衣石燕神女川奇好眼邊
江舸何忽促未得安流逆浪歸漢曰湘川詩
選風雨則飛如生燕止則為石高
唐賦旦為朝雲暮為行雨注見前

崔評事弟許相迎不到應慮老夫見

泥雨怯出必愆佳期走筆戲簡

江閣邀賓許馬迎午時起坐自天明浮雲不
負青春色細雨何孤白帝城身過花間霑濕
好醉於馬上往來輕上句更似虛疑皓首衝
泥怯實少銀鞍倚險行

畫夢

二月曉睡昏昏然不獨夜短晝分眠桃花氣

暖眼自醉春渚日落夢相牽故鄉門巷荆棘
底中原君臣豺虎邊安得務農息戰鬪普天
無吏橫索錢

熟食日示宗文宗武

消渴遊江漢羈棲尚甲兵幾年逢熟食萬里
逼清明不待他語而悲松柏邛山路未必子美先墓在邛吾意亦邛
山風花白帝城汝曹催我老回首淚縱橫本
耳一作邛鄭曰案字記邛州因邛來山得名在蜀中邛渠恭切田曰十道志邛山在洛陽縣

北邙莫芻切夢弼曰揚陸則洛城記邛山古今東洛九原之地也

又示兩兒

令節成吾老他時見汝心他時見汝思親之謂身後寒食語

甚苦切前一首已悲此篇更不忍讀浮生看物變為恨與年深

長葛書難得江州涕不禁團圓思弟妹行坐

白頭吟趙曰長葛江州必公之弟妹所在也鄭曰長葛縣隸許州

晴二首

久雨巫山暗新晴錦繡文碧知湖外草紅見

王云轉折深沉

上集卷下

七

信

子云之弟也

海東雲竟日鶯相和，摩霄鶴數羣。野花乾更落，風處急紛紛。

啼鳥爭引子，鳴鶴不歸林。下食遭泥去，遭泥去拙

高飛恨久陰，雨聲衝塞盡。日氣射江深，壯迴

首周南客，驅馳魏闕心。洙曰周南謂巫陽也太史公留滯周南天子之門兩觀謂之象魏夢弼曰莊子中山公子牟謂瞻子曰身在江海之上心居乎魏闕

下之

雨

始賀天休雨，還嗟地出雷。驟看浮峽過，密作

渡江來。牛馬行無色，蛟龍鬪不開。干戈盛陰

氣，未必自陽臺。未必自陽臺此語猶含天寶之悲洙曰莊子秋水時至兩

溪渚涯之間不辨牛馬

卜居

鶴曰公是年三月赤甲遷居灤西

歸羨遼東鶴，吟同楚執珪。未成遊碧海，著處

覓丹梯。雲嶂寬江北，春耕破灤西。桃紅客若

至，定似昔人迷。洙曰遼東鶴注見前趙曰史記莊易故越之細鄙人也為

楚執珪病而尚猶越聲本無吟字而王粲登樓賦云莊舄顯而越吟十洲記東有碧海趙曰夔江之北其山稍遠故曰寬也宋曰昔一作晉

暮春題灤西新賃草屋五首

久嗟三峽客再與暮春期百舌欲無語繁花能幾時谷虛雲氣薄波亂日華遲戰伐何由定哀傷不在茲趙曰反舌無聲在芒種后十日今謂之欲無語則暮春時也

北郊千樹橘不見比封君養拙干戈際全生

麋鹿羣長人江北草畏人草不類旅食灤西雲萬

里巴渝曲三年實飽聞郊本一作邦洙曰漢貨殖傳蜀漢江陵千

樹橘此其人皆與下戶侯等又禮樂志巴渝鼓負三十六人注高祖初為漢王得巴渝人並趨捷善鬪與之定三秦滅楚國存其武樂巴渝之樂由此始也

綵雲陰復白錦樹曉來青身世雙蓬鬢乾坤

一草亭哀歌時自短眼前語道得苦醉舞為誰醒細

雨荷鋤立在自江猿吟翠屏

壯年學書劍他日委泥沙事主非無祿浮生

即有涯高齋依藥餌絕域改春華此語甚痛喪亂

丹心破王臣未一家誅曰項籍少年學書不成去學劍

欲陳濟世策已老尚書郎不息豺虎鬪空慙

鴛鴦行時危人事急風逆羽毛傷落日悲江

漢中宵淚滿牀趙曰尚書郎公自謂也

承聞河北諸道節度入朝歡喜口號

絕句十二首

裸山作逆降天誅更有思明亦已無第二句洵

洵人寰猶不定時時戰鬪欲何須

社稷蒼生計必安蠻夷雜種錯相干周宣漢

武今王是孝子忠臣後代看感諷忠姪

喧喧道路多歌謠河北將軍盡入朝始是乾

坤王室正却教江漢客魂銷

不道諸公無表來茫然庶事遣人猜擁兵相

學干戈銳使者徒勞萬里迴公自注吐蕃之亂諸道節度無

遣使人救援者朝廷竟不至

鳴玉鏘金盡正臣修文偃武不無人興王會

盡妖氛氣聖壽宜過一萬春蒼舒曰萬春字

晉武帝問孫皓聞南人好作爾汝歌皓因舉觴勸帝云上汝一杯酒令汝壽萬春

英雄見事若通神聖哲為心小一身燕趙休

矜出佳麗宮闈不擬選才人宋曰古詩燕趙多佳人美者顏

如玉唐制內官才人五人正五品

抱病江天白首郎空山樓閣暮春光衣冠是

日朝天子草奏何人入帝鄉趙曰白首郎公自謂也用馮唐

意

澶漫山東一百州削成如按抱青丘包茅重

入歸關內王祭還供盡海頭鄭曰澶市連切

唐志山東即河北道洙曰削成如按言已平也鄭曰青丘在青州屬河南道洙曰左傳齊

伐楚曰爾貢包茅不入王祭不供無以縮酒

東逾遼水北滹沱星象風雲喜色和紫氣關

臨天地闊黃金臺貯俊賢多紫氣關本生強

兩絕句宜爾趙曰紫氣關言函谷關也周時尹喜為關吏望見紫氣云當有聖人入關洙

日燕昭王置千金於臺上以延天下之士謂之黃金臺

漁陽突騎邯鄲兒酒酣並轡金鞭垂意氣即

歸雙闕舞雄豪復遣五陵知謂此等恃功而驕其歸闕下舞

當如何平日五陵豪俊復當避之耳其憂愛

感恨皆見於言外即字復字皆得意處形容

洋溢蕩而復整洙曰漁陽突騎邯鄲游俠其

豪俊勇決古有名稱五陵漢之五陵亦豪俠

所聚之地李相將軍擁薊門白頭惟有赤心存竟能盡

說諸侯入知有從來天子尊夢弼曰李相謂李光弼將軍謂

河北諸道節度也鶴曰李相將軍意是指李

懷仙時為幽州節度使第未詳何以謂將軍

十二年來多戰場天威已息陣堂堂神靈漢

代中興主功業汾陽異姓王洙曰郭子儀封汾陽郡王鶴曰

此詩十二首述安史及吐蕃之亂而歸於李

懷仙之能說諸節度以入朝郭子儀之能建

功業以致中興也

得舍弟觀書自中都已達江陵今茲

暮春月末合行李到夔州悲喜相兼

團圓可待賦詩即事情見乎辭

私真
如喜
宋集
不似道
一字

爾到江陵府何時到峽州亂離生有別聚集

病應瘳道先轉颯颯開啼眼朝朝上木樓老身

須付託白骨更何憂此詩以喜在

喜觀卽到復題短篇二首

巫峽千山暗終南萬里春病中吾見弟書到

汝為人情事驚痛竟答兒童問來經戰伐新

泊船悲喜後款款話歸秦宋曰終南

待爾嗔烏鵲拋書示鵲鴿枝間喜不去原上

急曾經江閣嫌津柳風帆數驛亭應論十年

事愁絕始星星宋曰西京雜記乾鵲噪而行

寄薛三郎中據

人生無賢愚飄飄若埃塵自非得神僊誰免

危其身與子俱白頭役役常苦辛雖爲尚書

郎不及村野人憶昔村野人其樂雖具陳藹

藹桑麻交公侯爲等倫天未厭戎馬我輩本

常貧子尚客荊州我亦滯江濱峽中一臥病

左思白髮賦
云星白髮
生於鬢重

此首
此首

瘡癘終冬春春復加肺氣此病蓋有因早歲
與蘇鄭痛飲情相親二公化為土嗜酒不失
真予今委修短豈得恨命屯聞子心甚壯所
過信席珍上馬不用扶每扶必怒嗔賦詩賓
客間揮灑動八垠乃知蓋代手才力老益神
青草洞庭湖東浮滄海瀝君山可避暑况足
采白蘋子豈無扁舟往復江漢津我未下瞿
唐空念禹功勤聽說松門峽吐藥攬衣巾高

秋却束帶鼓枹視清晏鳳池日澄碧濟濟多

士新余病不能起健者勿逡巡上有明哲君

下有行化臣宋曰蘇鄭蘇源明鄭處也禮記

名君山在洞庭湖心夢弼曰郭璞江賦巴東
之峽夏后疏鑿今公留滯峽中恨禹功雖勤
尚不能鑿三峽使江流平易也趙曰公逸聞
松門峽方喫藥遽吐之欲攬衣巾而去夢弼
曰鳳池謂朝廷也趙曰健者指薛璩
也漢書袁紹曰天下健者豈惟董公

卽事

暮春三月巫峽長白鳥行雲浮日光雷聲忽

送千峰雨，花氣渾如百和香。黃鶯過水翻迴，
去燕子銜泥濕不妨。飛閣卷簾圖畫裏，虛無
只少對瀟瀟。虛無二字下得好，兩句遂精。洙
曰：感弘之荆州記：巴東三峽巫
峽長。鄭曰：嘉胡了切。明也。趙曰：陶淵詩：晶晶
川上平。洙曰：古詩：博山爐中百和香。鬱金蘇
合與都梁。希曰：漢武帝
時月支國嘗進百和香。

懷灞上游

鶴曰：灞水在長安。

悵望東陵道，平生灞上游。春濃停野騎，夜宿
敞雲樓。離別人誰在，經過老自休。苦語眼前

古意江漢一歸舟

慶弼曰：東陵道指長安東門外也。

月

萬里瞿唐峽，春來六上弦。時時開暗室，故故
滿青天。爽合風襟靜，空當淚臉懸。南飛有鳥
鵲，夜久落江邊。洙曰：峽一作月。曹孟德詩：月明星稀，鳥鵲南飛。

晚登灤上堂

故躋灤岸高，頗免崖石擁。十字起，又別。開襟野堂
豁，繫馬林花動。雉堞粉如雲，山田麥無隴。春

氣晚更生江流靜猶湧四序嬰我懷羣盜久
相踵黎民困逆節天子渴垂拱所思注東北
深峽轉修聳衰老自成病郎官未為冗淒其
望呂葛不復夢周孔濟世數嚮時斯人各枯
冢楚星南天黑蜀月西霧重安得隨鳥翎迫
此懼將恐夢符曰公羊傳五板而堵五堵而
垣也沫曰呂葛謂
呂望諸葛孔明也

李潮八分小篆歌

善小篆師李斯嶧

山碑見稱於時趙明誠金石錄云唐
慧義寺彌勒像碑李潮八分書潮書
初不見重於當時獨子美詩盛稱之
以此蔡有隣韓擇木金石刻在者絕
少惟此碑與彭元曜墓誌爾余皆得
之其筆法亦不絕工非韓蔡比也邵
氏聞見錄韓退之石鼓
詩體子美八分歌也

蒼頡鳥跡既茫昧字體變化如浮雲陳倉石
鼓又已訛大小二篆生八分秦有李斯漢蔡
邕中間作者寂不聞嶧山之碑野火焚棗木
傳刻肥失真苦縣光和尚骨立書貴瘦硬方

王云奇崛
中有典則
真雅詩也

相至行俱
漾韻

通神子美詩貴瘦硬謂入分惜哉李蔡不復
得吾甥李潮下筆親尚書韓擇木騎曹蔡有
隣開元以來數八分潮也奄有二子成三人
况潮小篆逼秦相快劍長戟森相向八分一
字直百金蛟龍盤拏肉屈強吳郡張顛誇草
書草書非古空雄壯豈知吾甥不流宕丞相
中郎丈人行巴東逢李潮逾月求我歌我今
衰老才力薄潮乎潮乎奈汝何古人出語便

流動可觀此詩叙古外殊不為發越故終篇
自嘆浩然然愈好邵氏見才力薄三字謂退
之體此作石鼓兒童之見彼起語變化蓋自
負也洙曰蒼頡黃帝之見彼起語變化蓋自
字鶴曰鳳翔府陳蒼縣南有石鼓其石形如
鼓其數有十紀周宣畋獵之事其文即史籀
之迹洙曰周大史籀始泐大篆秦李斯繼作
小篆趙曰蔡文姬別傳臣父邕言八分書割
李斯小篆去二分取八分故曰八分書洙曰
史記始皇東行郡國上鄒嶧山刻石頌功德
其文李斯小篆修可曰續漢書桓帝詔按桓
立老子祠兼刻石即蔡邕入分也師曰按桓
帝延熹年間詔立老子祠光和乃靈帝年號
相去延熹十餘年豈非祠立於延熹而碑刻
於光和乎洙曰韓擇木蔡有隣皆唐時人工
八分張旭飲醉輒草書人呼為張顛丞相即

上集卷六

七

信

李斯中郎即蔡邕歐公集古錄云秦二世詔
李斯篆今俗謂之嶧山碑史記不載其字其
本出於徐鉉又有別本出於夏竦家自唐封
演已言嶧山碑非真而杜子美直謂棗木傳
刻爾趙明誠金石錄云秦嶧山刻石唐封演
聞見之云後魏大武帝登山使人排倒之然
歷代模之以為楷則邑人疲於供命聚薪其
下因野火焚之由是殘缺不堪模塌然猶求
者不已有縣宰取舊文勒於石碑之上置之
縣廨今人間有嶧山碑者是皆新刻之本而
杜子美直以謂棗木傳刻者豈又有別本歟
又云麻温故學士於登州海上得片木有此
文豈子美所謂棗木
自製下
肥失真者耶
醉為馬墜諸公攜酒相看

王慎中云
長篇如此
奇正真
大手筆

甫也諸侯老賓客罷酒酣歌拓金戟騎馬忽
憶少年時散蹄迹落瞿唐石白帝城門水雲
外低身直下八千尺粉堞電轉紫遊韁東得
平岡出天壁江村野堂爭入眼垂鞭鞞鞞凌
紫陌向來皓首驚萬人自倚紅顏能騎射安
知決臆追風足朱汗驂驪猶噴玉不虞一蹶
終損傷人生快意多所辱職當憂戚伏衾枕
况乃遲暮加煩促朋知來問腆我顏杖藜強

起依僮僕語盡還成開口笑提攜別掃清溪
曲酒肉如山又一時初筵哀絲動豪竹共指
西日不相貸喧呼且覆杯中淥何必走馬來
為問君不見嵇康養生被殺戮起結皆不羈
信詩醉來拓金戟古詩白馬紫遊韁夢弼曰瘦
臆縱意也趙曰追風馬名漢天馬歌霜赤汗
崔液詩驂驪始散東城曲穆天子傳黃之澤
其馬噴玉琪曰豪竹大管也洙曰晉嵇康著
養生論後
以事坐誅

補遺

縛雞行雞虫得失無了時注目寒江倚山閣
仙坐對真成披花惱出門門一笑大江橫之句也

李潮八分小篆歌潘子真詩話云北岳碑後

廟亦漢碑俱蔡邕書其字刻極勁杜詩所謂
苦縣光和骨尚立書貴瘦硬方通神苦縣光
和謂二
碑也

集千家註杜工部詩集卷之十六

